



Digitized by the Internet Archive
in 2019 with funding from
Wellcome Library

<https://archive.org/details/b30769863>

DISPUTATIO INAUGURALIS MEDICA
DE

D. S. 8

MEDICAMEN- TORUM VEHI- CULIS

QUAM

DIVINA FAVENTE GRATIA
FACULTATIS MEDICÆ IN INCLITA
ACADEMIA JULIA DECRETO

PRÆSIDE

FRIDERICO SCHRADERO

MED. DOCTORE EJUSDEMQUE ET NA-
TURALIS PHILOSOPHIÆ PROF. PUBL. ORD.
MEDICÆ FACULTATIS HODIE

DECANO SPECTABILI

DN. PRÆCEPTORE ET PROMOTORE SUO
ÆTATEM HONORANDO.

PROLICENTIA

SUMMOS IN ARTE MEDICA HONORES ET PRIVILEGIA
DOCTORALIA RITE CONSEQUENDI

PUBLICÆ ET SOLENNI DISQUISITIONI SUBMITTIT
IN MAGNO JURE

DANIEL ANDREAS HERSTELLE


CLAUSTHALENSIS.

HORIS ANTE ET POMERIDIANIS

D. XVIII. JANUARIJ MDCCC.

HELMESTADII,

Typis GEORG WOLFGANGI HAMM, Acad. Typogr.



PERILLVSTRI ET EXCELLENTISSIMO
DOMINO,
DOMINO
HENRICO ALBRECHT
de BUSCH

SERENISSIMI AC POTENTISSIMI
ELECTORIS
BRUNSVICENSIS ET LUNEBURGENSIS
MINISTRO STATUS ET RERUM METAL-
LICARUM SUPERIORIS ET INFERIO-
RIS HERCYNIAE

Præfidi & Directori supremo
DOMINO ET PATRONO SV'O ÆTER-
NUM DEVENERANDO

Disputationem hanc Inauguralem

submissè offert & dedicat

A. & R.

Daniel Andreas Herstelle,



D. Q. B. V.

DE

MEDICAMENTORVM VEHICULIS.

§. I.



Ssi Medico hominum sanita-
tem conservare vel amissam resti-
tuere pro fine habenti, imprimis
laborandum sit ut secundum indi-
cationes & ostensiones quæ à morbis ipsis, eo-
rum causis & symptomatibus fiunt, remedia
opportuna & ex æquo præternaturalibus, sani-
tatem affligentibus rebus opposita inveniat &
eligat; Plurimum tamen etiam in remedio-
rum dextra applicatione situm est, pluri-
mum in eo positum ut debito tempore & con-
venienti modo eadem adhibeantur. Ad hunc

autem modum non tantum illud spectat ut
commoda ad medici scopum apta & ægrotan-
ti non nimium adversa forma medicamenta
præparentur ; Alii quippe liquida & po-
tulenta omnia fastidiunt, sicca facilius admit-
tunt, alii horrent sicca medicamenta, & impri-
mis reperias plurimos qui pulveres ægerrime
accipiunt: Sed requiritur etiam propter non
unam causam ut grata, idonea, & appropriata
vehicula in exhibendis propinandisque reme-
diis eligantur. Quid circa horum discrimen
usumque; & dextre ac tempestive eadem ad-
hibendi rationem in praxi observari debeat,
Disputatione hac Inaugurali explicare cona-
bor, cum utilissimum iudicem, imò ad feli-
cem curationum successum indies necessarium,
non promiscuè vehiculis uti, aut arbitrio ægri
vel ipsi ministrantium muliercularum id relin-
quere; quandoquidem sicuti conveniens vehi-
culum juvare operationem medicaminis, ita
inidoneum impedire eandem, & totam spem
quam in eodem & ipsi ægri & Medici quoque
ponunt irritam facere potest.

§. II. Vehi-

Vehiculum à Latinis Scriptoribus generalius alias sumitur, pro illo, in quo aliquid vehitur & gestatur; ut à curro est curriculum, sic à veho est vehiculum. Usu tamen receptum in Medicinam est vocabulum & denotat medium, quo sine magna nausea, commodius medicamentū sumitur, deglutitur, & operatur.

Incumbit Medico ut quantum in potestate suæ artis est situm, cito, tuto, & jucunde etiam sanet, hoc efficere citra apta medicamentorum vehicula non potest. Non verbis curantur ægri sed herbis & medicaminibus, quibus sapor adversus & odor sæpe inest insuavis, ut opus sit delinimento, quod saporem nauseabundum tegat veluti & mitiget, gratiaque sua se ita commendet, ut non respuat ventriculus quod curæ ægrotantis conveniens est, sed retineat, & distribuat, ut in sanguineam massam perveniat, & motu circulatorio ad illam partem in qua operatio illius requiritur pertingat. Alias frustra agimus Medici, & æthio-

pem lavamus, si id non omni conatu agimus,
ut medicamenta ad locum affectum integra,
quantum fieri potest, virtute deducantur.
Hoc vero idoneis & ægro non molestis ve-
hiculis exsequimur, quibus tunc præsertim
opus est, quando morbus repetitionem cre-
bram pharmaci poscit, & ad superandum eun-
dem major mora requiritur.

§. IV.

Nituntur in vetitum plerumque ægrotan-
tes, & quæ in illorum emolumentum & sa-
lutem à medicis præcipiuntur & ad felicem cu-
rationem utilia judicantur, non recte usurpant.
Neque vero ut aphorismo 1. præclare monet
Hippocrates: *Medicus modo sic comparare*
se debet, ut faciat quod facto opus est, sed *Æ*
ger, & qui præsto sunt & quæ foris incidunt.
Ægri autem, delicatuli præsertim & gutturi
operam dantes, utut molestiam à morbo sæ-
pe maximam sentiant, & ab illa liberari per-
cupiant, correpto tamen præ medicamentis
fastidio ab illorum usu abalienantur, ut vehi-
culis gratioribus opus sit, quæ si non omnino

ali-

quo modo tamen demere nauseam medica-
mentis possunt, illorumque assumptionem ju-
vare.

§. V.

Mira res est tantopere sæpe ægros abhorrere
ab illis omnibus quæ in emolumentum illorum
nata sunt, & à Medicis cum cura applicantur, ut
ad recordationem etiam pharmaci labium tre-
mat, & maxima statim nausea subrepat. Vi-
deas matres sæpe intempestiva misericordia
& vano metu ductas repugnantibus liberis
nolle medicamenta obtrudere; reluctante tan-
topere natura, ut loquuntur, & stomacho ad-
versante plus damni quam levaminis afferre
medicamenta existimantes. Quænam hujus
fastidii causæ & differentiæ, & quomodo Me-
dicus hic prudenter se gerere debeat, sane est
operæ pretium diligentius rimari, an & quo-
modo acceptum magis reddi debeat medica-
men, quibus mediis & vehiculis propinari; an
vero satius sit tunc omnino abstinere & nova
illa methodo uti, quâ nugivendus Gideon Har-
vejus peculiari libello & illis etiam rationibus

com-

commendat, quorum commemoratione non scriptorem modo, sed ipsas chartas erubescere oportebat. Mora nempe sanare potius Medicum debere præcipit; illud *Exspecta* præscribendo & jugiter repetendo; quod *Exspecta* in illis affectibus qui acutissimos dolores dirosque cruciatus secum ferunt, & illorum lenimen ac medelam acerrime expectant, paucissimis arrisurum esse opinamur.

§. VI.

Potius alia ratione subveniendum erit illi nausæ & tædio quod præ medicamento concipiunt laborantes & gravissimis etiam morbis decumbentibus, impedimento maximo esse potest, imò efficere ut vel planè non convalescant, aut tam citò sanitatem non recuperent. Interdum quidem illa averfatio determinata est, ut quædam abhorreant, & certa medicamina propter formam ipsis ingratham, odorem vel saporem adversum detestentur, aliquando vero omnia pharmaca cujuscunque formæ vel qualitatis, dummodo pharmacum esse cogitatio incidat fastidiose

diolse respuunt. Est scribit Pechlinus l. III. obs. 14.
antipathia quædam, qua omnia fastidiuntur titu-
lo medicaminis venditata, quam nec ratione neq;
violentia emendes. Ad unum tamen fere omnes
modo hanc modo illam speciem remedii luben-
tius admittunt. Vidimus qui potiones fluidas
penitus rejicerent, nec adduci possent, ut acce-
ptas retinerent, alios rursus, qui ejuratis sor-
bilibus, pulveres tantum, nunc & pillulas tole-
rarent, cæteris speciebus fastiditis. Jam sapo-
ris genus ita nonnullos occæcavit, ut nisi gra-
tus ille sit, medicinam omnino respuant; & hic
quidem alii acidis, dulcibus alii, nonnulli et-
iam amaris delectati per gustuum species quasi-
vere, quid utile esset. Ad singularia etiam
quædam se extendit hoc fastidium, aliis hoc,
aliis illud repudiantibus. Myrrha, invisa
amaritudine nonnullis suspecta, aliis per ocium
commorficatur, nihil morata gustus invidiam;
Aloe & ipsa dentibus subigitur ab aliquibus,
consuetudine ori probata. Quid quod nove-
rim, qui pillularum forma offensi, attritas eas
& liquatas, ut erant amarissimæ, deglutire nil

penſi habuerint. Nunc Rhabarbarum, ple-
riſque omnibus ob peregrinum nidorem fa-
ſtiditum, aliorum palato gratiſſimum & in
quo volutata lingua ſe exerceat, ſed, qui multis
jucundiſſimus eſt, Calami aromatici, Enulae,
Cinnamomi roſarumq; ſapor aliquibus in ta-
dium abiit, & in univerſum dulcia quæq; &
ἐνὶ γυναικὶ ab utero vexatis moleſta ſunt
morboſq; & ſenſum exaſperant.

§. VII.

Occurrunt autem non raro qui à prima
infantia contracto, hac in re etiam, præjudicio
laborant, & ſola phantaſa vanaque perſuaſio-
ne ducti, medicamenta aſſumere renuunt.
Quæ perversa imaginatio vincitur quandoque
ſevero Medici & adſtantium alloquio, com-
modiſque rationibus eximitur. Interdum et-
iam ingravescens morbus, & ſymptomata gra-
viora ac dolorifica, quæ avelli percuperet pa-
tiens, illud præjudicium delent & feliciter eva-
neſcere faciunt: Adeo ut quod vulgo dicitur
experientia confirmet. Wenn die Noth da
iſt / können die meiſten Leute wol medi-
camenta

camenta et innehmien; Bene tamen Medico
notandum est quandoque & fastidium illud
ex aliis causis intimioribus, in dispositione pe-
culiari nervorum & spirituum præsertim quæ-
rendis, provenire; insitum magis & naturale
esse, quod medicorum hic consilia argumen-
tis solidissimis etiam suffulta, prævertit & irri-
ta reddit. Retulit mihi spectabilis Dn. Decanus
de ægra cui mentis usus integer, ubi repugnan-
te & adversante idiosyncrasia expellere illam
nauseam, tamen usque recurrentem, non po-
terat, adeo ut oblucente naturali illa aver-
sione nihilominus medicamentum assumeret,
in maximas præcordiorum angustias imò di-
ras convulsiones incideret, adeo ut finis vitæ
videretur instare.

§. IIX.

Quæcunque tandem causa hujus Idiosyn-
crasie adducatur; quam alii ab astrorum in-
fluxu deducunt, alii ad sympathias & antipathias
referunt, alii fermentis peculiaribus tribuunt,
alii ad occulta cum Marcello Donato Hist.
Med. mirabili c. 3. & Scaligero Exerc. 274.

proscribunt, Artem Medicam facturis obli-
vare debet sedulo, ne innocens alioquin re-
medium diffametur, ut noxium imò toxicum
evaluisse videatur. Observationem modo cita-
tam ita orditur Pechlinus. *Nunquam ego au-*
tor sum, ut medicamenta invitis vehementius
obtrudantur. Talem Idiosyncrasiam aliquando
etiam hæreditariam fuisse constat. Vixisse Me-
diolani familiam quæ haustu solutionis Cassiæ
fistularis, alias blandioris & innocuæ, interibat
testis est idem I. C. Scaliger Exerc. 153. §. 10.
Temerarium ergo esset ad talia vehementis-
sime fastidita invitos & maxime nauseantes
velle cogere, quod quam male ceiserit Cele-
berrimus Pechlinus pro more suo iterum ele-
ganter docet, & in Obs. Medico Physic. p. 422.
hac de re futurum practicum ita instruit: *Adul-*
tis, inquit, si à medicamentis animo sint alie-
no, haud facile persuaseris, quam repudiant
medicinam profuturam esse; & sane plurimis
à coacti obtrusiq; medicaminis usu valitudo
mutatur in deterius, nec facile stomacho con-
ciliatur, quod ingratis accipitur. In ætate
minoribus, ubi nihil adhuc regnat præjudicii
neq;

neq; diffidentia propositum evertit, ipsa saepe
natura & peregrinus sapor obsistunt, quo mi-
nus ore accipiant laudatum objectumve reme-
dium. Quare utroq; casu providendum est,
ne agrotos nimis temere urgeamus, cum, si à
Naturæ quodam horrore ingenitoq; vitio repu-
dium nascatur, non facile ratione aut vi cor-
rigi possit. Si leviculus est neq; insitus error,
& à præjudicio ortus componendus est animus
& hoc agendum, ut spirituum liberior motus
medicamenti effectum promoveat. Jocularis
est fœminarum & puerorum lascivia, quæ ab
omni protinus medicamento abhorrent, atque
hæc bonis verbis tandem etiam conatu vehe-
mentiore expellenda. Obsequendum ergo non-
nihil est agrotantium ingenio, & non facile
propinanda, quæ constat tolerari non posse. Eo
tamen pervenit importunum illud benefaciendi
studium, ut non aliter constare arti auctoritatem
putent quam ubi contra vota & auspicia in-
vitis plane agris placita sibi remedia obtruse-
rint, quæ ego sic assumpta ut plurimum male
cesisse vidi. Adeo examinanda primum est

agri indoles, utrum leviter an profundius error insederit, utrum à futili & lascivo præjudicio, an fastidio insito ortum habeat; ita enim mutandum esse Medici propositum, ut puto, liquet. Puellam vidi septem annorum, ut in pueris fieri solet, omnis generis remedia fastidientem, huic tamen à morbo deprehensa jamq; gravius laboranti Medicus ex officio, quid facere oporteat præscribit. Inter alia parentibus jam male metuentibus potiunculam commendat, quam, si salvam esse filiam velint, haud cunctanter exhibere fas sit. Accedunt ergo parentes bonis primum verbis promissisq; refractariae puellae ingenium demulsuri. Illa tamen semper voce, clamoribus & quovis nisu obsistere, dum pertinacius & ipsi parentes positionem urgent, & tandem ori per vim aperto infundunt, vix gulam transierat, cum eodem impetu resiliens coacta potio; ex quo consternatior puella non tantum gravius laborare, sed & vocis usum penitus amittere cepit, convaleuit tamen ex illo morbo naturæ beneficio, at vocem amissam non nisi post sex menses æque repen-

*repentina crisi recepit, non leviter gavisis, quos
pridem medicaminis violentius ingesti pœniten-
tia invaserat, Parentibus. Tantum est tempori
& ingenio laborantium pro necessitate servire.*

§. IX.

Studendum ergo ut gratia quantum qui-
dem fieri licet, medicamento paretur, id quod
ægri animum suavium verborum delinimen-
tis allevando, feveris quoque adhortationi-
bus commovendo sæpe non tam fit, quam
convenienti & accepto vehiculo. Sicuti enim
quando medicamentis alioquin non admo-
dum fastiditis ingratiſſima admiscuntur ipsa
idcirco cum horrore assumuntur, ita ubi blan-
do & placente vehiculo medicamentū occul-
tatur temperaturque, sæpe promte hauritur re-
tinetur, & bene distribuitur per corp⁹, ut effectus
quem præstolamur feliciter sequatur. Inprimis
quoniam saporis ratio præcipue hic habenda
ad quem plane injucundum & vehiculo grato
non delibutum protinus nausea concipi solet,
tanta autem averſatio non accidit si medica-
mentum assumptum gustus organon superavit.

§. X. Hic

Hic ergo creberrime finis est vehiculorum ut commodè absque nauseabundo horrore & averfatione medicamenta accipiantur. Atq; ut id fiat observationes Practicæ hoc nos monent, illa quæ parum habent eminentis saporis, quæ blanda & insipida, vel viscidiusculis partibus amara salina & acria medicamenta inviscantibus ac demulcentibus abundant ad id esse valde idonea, unde aculei mordacium & insuavi sapore molestorum medicamentorum obtunduntur. Quapropter ptisanæ, decoctum avenæ excorticatæ, emulsiones, lac, mucilagines, juscula, succi, syrapi sæpe ad id commoda sunt auxilia. Dummodo non talibus involvas medicamenta, quæ operationem horum resolutionemque in ventriculo impediunt, prout evenit quando passulis inclusæ pillulæ non dissolutæ sed integræ iterum, operatione debita non facta, fuerunt per alvum redditæ.

Ad scopum hunc obtinendum, ut lubentiore

tioꝛe animo medicamina ægri affumant, multum quoque facit, ut consvetis & placentibus liquoribus pro vehiculo utantur. Quapropter pro medicamentorum discrimine, jusculis, aquis, vino, cerevisia, ordinariè utimur. Memini ægrotantis ventriculum pulverem præcipitantem sedativum, ad angustias, stomachi vitio natas, exhibitum, aliquoties revomuisse, & applicitis etiam externis fomentis id non potuisse impediri; cum vero medicus meminisset ægrotum aquæ vitæ potu quotidiano fuisse delectatum, illumque pro vehiculo æger usurpasset, desinente vomendi conatu, medicamentum protinus retinuit. Idem in alio, potu Caffée in quotidianum fere usum verso accidisse notavi. Requiritur porro ut debita quantitas observetur, nec plus, quam commoda medicamenti deglutitio ejusdemque usus postulat, illius adhibeatur. Uti enim omne nimium, in ventriculo fluctuans, facilius eidem oneri est, nauseamque excitare potest; Ita male illi faciunt qui vehicula, utut non injucunda, majoribus haustibus superbibunt, quod uti efficaciam operationemque medicamentorum ni-

mium diluendo sæpe hebetat, ita idem ventriculo adversum esse potest & solet. Quando medicamentorum usus, flagitante id morbi contumacia, continuari debet diutius, manentibus & observatis quoque à Medico iisdem indicationibus, medicamenta non tantum ipsa iisdem qualitatibus & virtutibus prædita, mutanda interdum sunt, aliaque forma præscribenda, nec semper eadem hic chorda oberrandum; sed tunc valde prodest ipsa quoque vehicula subinde mutare, quo fastidium reprimatur removeaturque.

§. XII.

Ipsa quoque deglutitio multorum medicamentorum facilitatur per lubricum & facile descendens vehiculū. Balsama vulneraria & antiphthifica aqueis fluoribus non commiscentur, sed separantur facile in ipso ore. Terebinthina enim aliaque glutinosa ingredientia, adhærescunt gulæ & palato, in ventriculo diutius hærent, & ructibus frequentibus incommodum pariunt, quod ita non fit si saccharo commista, vel lactis vehiculo, vel alio liquori pinguiusculo miscentur; vel syrupo etiam commodo conjunguntur.

guntur. Quæ adstringendi vi excellunt, & sti-
ptica alias dicuntur, isthmum sæpe faucium
admodum angustant, & in illis affectibus ubi iis
opus est, tussis vero perniciosa est, obsunt gravi-
ter. Irritatione enim faucium tussis excitando
nocent, nisi commodis vehiculis præbeantur.
Semen hyoscyami est inter præcipua & certis-
sima in magnis sanguinis profusionibus, & hæ-
moptysi præsertim, præsidia; id in pulvere sum-
tum faucibus molestiam parit, easdemque
constringendo detrimento esse potest, vehicu-
lo vero exceptum, vel syrupi papaveris aut
portulacæ, vel Conservæ rosarum antiquæ, vel,
quod Mercurialis in Consiliis svadet, tabella-
rum forma cum Gummi arabico succo berbe-
rum & saccharo paratarum, exhibitum, deplo-
ratorum hæmoptoicorum fit auxilium. *Nul-
lam* scribit Rob. Boyle Exerc. vi. circa utilita-
tem Philosophiæ experimentalis, *è vulgaribus
Chymicorum essentiis aut Elixiribus virtute ea-
dem sanguinem sistere novi, qua hoc nuda præ-
stat mixtura duarum drachmarum seminis
hyoscyami & seminis papaveris albi, ejusdemque*
C 2 ponderis

ponderis cum Conserva rosarum rubrarum in
Electuarium spissum composita, quo remedio
aliquot homines è mortis faucibus eri-
pui; Quo etiam Medicus quidam eminentis-
simus, nunc inter cœlites, se & remedii in-
ventorem profusum sanguinis à naribus, & in
fœminis ex aliis præterea partibus profluvium
frequenter sanasse affirmavit. E quo fidelis-
sima Excellentiss. Dn. Decani institutione
usus sum, & quid ex illo tempore, quo ab
ipsius ore pependi, in praxi ipsi occurrit cogno-
vi, plures casus notavi, ubi hyoscyami semen
tali vehiculo, repetito usu assumtum, omnia
alia vicit, & sanguinem è pectore cum impetu
& orgasmo proflire cupientem stitit; atq; ab eo-
dem Præceptore meo accepi observationes
illius comprobasse id ipsum quod Ill. Boyleus
c. l. statim subjungit: Neq; effectus præpara-
tionum chymicarum elaboratissimarum adeo
mirificos vidi ac Syrupi cujusdam compositi
saltem è quantitate sacchari puri & succo pro-
bisimè expresso foliorum plantaginis atq; ra-
dicis consolidæ bene combinatis, cujus Syrupi
benefi

*beneficio, ne de experimentis meis quicquam
afferam, curas inusitatas absolverunt Medici
excellentissimi. Intervit optime syrupus talis
de plantagine compositus pro vehiculo ad-
stringentium & hæmorrhagias cohibentium
pulverum.*

§. XIII.

Neque vero saccharata & mellita quibus
bene involvuntur & accipiuntur ab ægris plu-
rima medicamenta, tantopere metuere fas
est, ut vulgo fit. His enim si medicamenta
admiscentur, sæpe ægri vim medicamento-
rum gustu vix percipiunt, & sine incommo-
do & noxa, quod nunc inprimis volumus, de-
glutiunt. Quapropter vegetabilium partes
& succi magno numero in officinis nostris
pharmaceuticis saccharo asservantur, miscen-
tur, condiuntur, incrustantur. Habemus quip-
pe cum illo confectos Syrupos, Condita, Con-
servas, Electuaria, morsulos, rotulas; tum quia
recentia medicamenta ex vegetabilibus non
semper haberi possunt, tum quia hoc vehicu-
lo palato plurimorum ita consulitur, & medi-

camina nostra, non adversantibus ægris, majori, ut sæpe requiritur, quantitate applicari possunt. Plurimum contulerunt suis laboribus Chemici, ut medicamenta, quæ commodius adhibentur, habeamus. Plurima jucundiora & elegantiora pharmaca illorum cura & diligentia habemus, non omnē tamen ingratitude ipsi quoq; esse ademptam palam est. In qua re summam admirari licet Creatoris providentiam. Si enim similem medicamentis quam alimentis gratiam indidisset illorum usu jampridem humanum genus sese ipsum aut perdidisset aut labefactasset. Vid. Primeros. De Vulg. Error. l. IV. c. 6. Ii tamen falluntur qui semper exilissimam dosin graduatorum & concentratorum medicamentorum ad arcendam averfationem, & operationem meliorem, præcipuum esse putant. Largior in non paucis affectibus chemico modo depurata & exaltata remedia Galenicis præferenda & libentius à plerisque sumi, quam tædiosa largissima Decocta; sæpe tamen morbi indoles blandio-
ra &

ra & quæ quantitate simul juvant poscit. Imo ipsa chymica arte parata subtiliora ac efficaciora remedia, desiderant vehicula, quæ vim illam penetrantem mordacemque acrimoniam, nimiamve volatilitatem diluant & temperent; Ita enim commodius assumuntur, & leniter in sanguinem ex primis viis abeundo illi parti se insinuant in qua efficaciam debent exercere, meliusque operantur. Accepi à Spect. Dn. Decano exemplum de viro Illustri qui aulicorum more, in quorum congressione hærebat, sal volatile C. C. è cultri cuspidè sine vehiculo assumebat, & mox in anxietates, tusses, respirandi difficultates summas, prolabebatur, ut subito opus fuerit consilio & largo lactis potu, quo à vitæ periculo, quod instare visum fuit, liberaretur. Bene iterum & apposite Ill. Boyleus l. c. Exerc. V. ita caput i. auspicatur. *Paracelsistæ forsàn nonnulli affirmarunt, Medicinarum chymicè preparatarum usum commodiorem esse, quam odiosa illa Galenica remedia, potiones, bolos, &c. quæ non recipienti tantum tædiosa, sed, quod pejus, plurimis consq; offensiva reperiuntur, ut patiens eadem*

eadem aut recipere nesciat, aut stomachus irritatus ipsa vomitu prius rejiciat, quam in corpore ad ullam contra morbum efficaciam permanferint. Quamvis vero sententiæ huic nimium non adhæream, cum Medicinæ salubritatem magis, quam gratiam acceptam respiciendam judicem, optandum tamen esse ut Medici sollicitè, ne egrotos medicamentis magis quam ipso morbo torqueant, præscriptioni anti- quæ non cito & tuto tantum; sed & jucunde simul morem gerentes prospicerent, non inficias eo.

§. XIV.

Fit hoc ipsum sæpe peropportunè aptis vehiculis, qualia svavia, lenia, dulcia, saccharata, mellita optime sæpe præbent. Et vane hunc arundinis succum, veteribus ad hunc scopum usitatissimū, tantopere timeri à non paucis recentioribus diximus, qui inprimis idurgent fermente scibilia esse saccharata & facile acescere, acidum autem esse modo non perpetuam morborum chronicorum & pluri.

plurimorum quoque acutorum causam, ut
idcirco in recessu acidissimum spiritum
continens saccharum sanitati admodum no-
ceat. Et apparet sane infantes æque ac adul-
tos saccharo multo utentes lentam, visci-
dam, acrem, ad humorum stagnationes, tu-
mores, hæmorrhagias efficiendas proclivem
sanguinem contrahere & scorbuti labem il-
lius frequenti usu manifeste augere. Gui-
lielmus Piso Histor. Ind. Natural. ex-
pressum dulcissimum hunc arundinis saccha-
rinæ succum ultra 24. horas dulcorem suum
non servare, sed hoc brevi temporis spatio
elapso acorem contrahere maximum & in
forte acetum degenerare refert. Recte ergo
concluditur cum judicio & tempestive, con-
siderato bene subjecto & morbo, saccharata
adhibenda esse, quæ sub jucundo suaviter lin-
guam afficiente sapore, multum asperitatis
& acritudinis afferunt. Immodicus saccha-
ratorum

ratorum usus est utiq; sanitati inimicissimus,
contra quem recte disputat in Herbario suo
Tabernæmontanus. Sed modicus sanitati non
est incōveniēns. Acidū enim in saccharo mul-
to illo dulcore, pectori valde grato, & in plu-
rimis affectibus utilissima mixtura tempera-
tur. Imò ipsum acidum, ast debita cum reli-
quis massæ sanguineæ corpusculis servata
proportione, omnino ad sanitatē requiritur.
Si acida omnia, ut novatores quidam somni-
ant, valetudini semper damnum afferrent, non
gratis citri, aliorumque vegetabilium
succis, non sale, non, pane, uti oporteret, sine
quibus tamen vita vix sustentaretur.

§. XV.

Abusus ergo si absit, gratum & salu-
tare pariter quandoque aliorum reme-
diorum vehiculum esse saccharum per sva-
sus sum; cum illa quæ alias non acciperet
æger sic interdum cupide & libenter sumat,
quod in infantibus quotidie observamus, dul-
cibus

cibus vehiculis amarissima ipsis præberi posse.
Et quod de illo quoq; saccharo quod candidis-
simum & firmitus est ac cum calce viva depura-
tur in medium producant illud scilicet insa-
luberrimum esse, & vulgari minusq; excocto
pejus, parum profecto attendendum esse ar-
bitramur, cum præparatio illius, quam Guil-
Piso de Medicina Brasil. aliique descri-
bunt, declaret, frequenti elotione enim
quod additum fuit iterum secedit. Mini-
me reprehendendus est ille muliercularum
mos amarissima vermes necantia & expel-
lentia mellis vehiculo, vel finissimo, ut loqui-
mur, saccharo porrigere, quo inescati ver-
mes, illa, quæ ipsos occidunt & expellunt,
unà devorant, quemadmodum pro hoc sco-
po etiam Mercurius saccharatis includitur,
qui boli forma alias etiam rectius quam in
pulvere exhibetur, sic enim facilius degluti-
titur, nec dentibus, quibus nocentissimus
D 2 est,

est, adhæret, nec metallicum cochleare, cum quo in pulveris forma alias sumi solet inficit ipsique adhæret, quod novi terrori fuisse ægrotanti mercurialem pulverem usurpanti. Minus apte etiam idcirco morsulis anthelminthicis, dentibus masticandis inditur; Ex aliis autem pulveribus præcipitantibus & cordialibus pro infantibus, qui pulveres nolunt sumere, tabellæ & rotulæ non incommodè fieri possunt.

§. XVI.

Ratio ubique & practicum judicium si medico facem præferat, æger, in usurpandis pro vehiculo medicamentorum, dulcibus non erabit, quæ ægri plurimi minus recusant, non pauci appetunt, & bene illa sæpius faciunt afflicto pulmone, facilius lingua in gulam detruduntur, imo & asperam arteriam ducuntur. Ut facilior detrusio fiat in stomachum pulveres assumendi lubricitante & eluente vehiculo opus habent pro diversis illorum viribus, vario, & pro assumptis propensione in hæc vel illa, eligendo. Solent alias julepi & Decocta in febribus descripta ad hoc adhiberi,

ut

ut cordiales & bezoardici pulveres cum illis
superbibitis os postea demulceatur, quod inter-
dum fieri quidē potest, sed non nimis frequen-
ter fieri debet; quæ enim majori quantitate hau-
riri & pro ordinario potu ut humectandi dilu-
endique facultate eò melius profint, usurpari
debent medicamenta, si cum illis alia, præ-
sertim ingratiore aliquoties sumuntur facile
tædium illorum potuum ægrum capit, ut li-
benter adeo eorum usum non continuet. Pil-
lulæ solent fructibus includi, assatorum po-
morum succo involvi. Multi tamen magis
& facilius nauseam concipiunt, quando pau-
latim unam post alteram ita deglutiunt, ut ex-
peditius sæpe negotium succedat, si pillulis si-
mul in os positis statim haustulus jusculi vel
Cerevisiæ superbibatur. Glutinantia quoque
fortiora vehiculis bene dilui ante adhibitio-
nem debent, ne in faucibus vel pharynge mo-
lestiam afferant, quod accidebat illi rustico
cui infusum radicis consolidæ majoris obtu-
lerunt, quo poculo affatim assumpto occludi
sibi fauces sensit, & maximam deglutitionis

difficultatem , ut illos qui dederant de vene-
no adhibito quo strangularetur, accusaret, quod
Philippus Hechstetterus observ. Decad. 3.
cas. V. describit.

§. XVII.

Creberrime etiam vehicula inserviunt au-
gendis intendendisque aliorum medicamen-
torum viribus , quemadmodum efficaciam
suam hæc sæpe amittunt aut non debite &
suffICIENTER exserunt , quando cum vehiculis
non competentibus usurpantur , ut ille non
impleat partes omnes providi & sagacis me-
dici, qui de his non instruit vel monet ægros
ipsos vel adstantes , à quibus non raro quæ
medicamenti vim obtundunt imò pervers-
tunt adhibentur , & , quod in proverbio dici-
tur, ocrea galeæ applicatur ; quando emetici
c.c. vis assumpta copiosius cerevisia calida bu-
tyro multo admixto frangitur & optata ac
sufficiens non sequitur operatio. Male
quæ orgasmum humorum sedare sangui-
nis fervorem ebullitionemque compescere
debent , cum consuetis aquis vitæ, vino ipso
aut

aut calidis aliis liquoribus assumuntur. Præcipitando, effervescentias flatusque ac exhalationes hinc genitas impediendo quæ agunt, ægrisque subveniunt, sæpe, valde salutariter cum aqua simplici fontana serolactis & similibus aqueis nihil fermentativi complectentibus liquoribus exhibentur. Et in ipsis quoque stomachi & hypochondriorum doloribus multoque flatuum proventu cum vehiculo aquæ exhibita sedativa talia melius profunt, quam cum calidis pituitam in flatus magis attenuantibus & solventibus aquis. Consideratione quippe dignum est flatus sæpe evanescere non discussos sed subsidentes, ventre enim à flatibus distento solent interdum disparere, nullo tamen flatu vel sursum vel deorsum emisso, quod eleganter explicuit Willisius part. 1. pharmaceut. rational. Talia ergo vehicula diluentia; actu etiam frigida, interdum in biliosis & fervidis subjectis & secuta simili ventriculi intemperie profunt. Observatum quippe memini à Spectabili Dn. Decano cardialgiam flatulentam admodum

dum dolorificam & angustias graves inducentem actutum placasse aquæ frigidaë haustum addito Tartari cremore. In subjectis vero ventriculum admodum sensibilem & genus nervosum tenerius habentibus nocere vehicula frigida possent graviter, in his enim potissimum sunt stomacho inimica; & terret semper triste illud exemplum quod apud Benivenium legitur de abd. rerum causis cap. 15. ubi à frigido emplastro stomacho appposito mors subsecuta fuit. Cautius itaque tunc progrediendum, & illa eligenda quæ non adeo insignem & subitam mutationem parti afferunt.

§. XIIIX.

Pertinent ad hanc classem vehiculorum, quæ operationem remediorum promovent & illorum vim exacuunt, plurima. Ipsa fluida vehicula sua id efficiunt fluiditate, dum solida medicamenta, alioquin inertia dissolvendo

vendo ad promptiorem actionem disponunt. Et si enim Helmontianum illud, activa & salina corpora non agere nisi soluta, universaliter verum non sit, melius tamen & citius soluta ac vehiculo adjuta plurima operari, jam declaravimus. Huic fini ut per vehicula vis remedium augeatur, cum aceto vini simplici, & compositis Bezoardicis acetis, medicamenta sæpe exhibentur. Est enim aceto, præsertim illi, quod ex præstantiori vino fit, magna penetrandi vis, quapropter in illis affectibus, in quibus attenuandum & expellendum est, frequenter adhibetur pro vehiculo. Neque tamen sine discrimine omnibus convenit, sed in nervorum affectibus, arthriticis uterinis morbis, minus est conveniens. In febribus tamen biliosis, ardentibus, malignis, sitim sedando, & sudorem ciendo, pro vehiculo aliarum rerum, quæ ad hunc scopum præscribuntur, valde convenit. Quemadmodum & medicamenta ad coagulatum sanguinem dissolvendum plurimis in casibus multo melius

E

quod

quod debebant exsequuntur, si cum aceto misceantur. Salia quoque fixa antifebrilia & enixa ac neutra, ut dici solent, cum aceto exhibita febrilia fermenta citius sæpe domant. Notum & celebre idcirco est specificum antifebrile Crollii, & alia quæ è sale fixo cum acidulato liquore componuntur, & in superandis febribus intermittentibus multum efficiunt. Quæ in subitis casibus, in gravioribus capitis & nervorum affectibus, in hysteriis pathematibus, in doloribus ingentibus, in lipothymiis & asphyxiis opem repentinam ferre debent, illa postulant vehicula fortiora, roborantia, tenuium subtilissimarumque partium, quæ aurigarum instar (quo simili Practicus celebris utitur) illico remedia talia devehant ad locum affectum & illorum diffusionem repentinam ac distributionem promoveant.

§. XIX.

Opus tandem est vehiculis talibus sæpissimè

mè quæ medicamenta fortiora emendent,
temperent atque corrigant, cum vehemen-
tia omnibus casibus & subjectis minime con-
ducant, sed mitigationem & correctionem il-
la frequenter indicent. Electuaria opiata,
quotidiani in medicina usus, & alia ex opio
parata, expeditius agunt, & vim è sanguine
expellendi virulenta miasmata citius exer-
cent, quando cum simplicioribus vel com-
positis alexipharmacis acetis, qualis est aqua
prophylactica Sylvii, dantur. Opium ipsum
ita corrigitur & tutius datur. Præferimus
enim modum opium cum acidis liquoribus
tractandi & exhibendi veteribus usitatum;
frænum hæc injiciunt, quo ut plurimum opiata
egent. Neque enim alcalia fixa vel volatilia cor-
rectoria opii & opiatorum perpetuò esse pos-
sunt, neque adeo secure his remediis addi vi-
dentur, quando opium per se mox tanto-
pere per humores diffunditur, & statim ad
spiritus penetrat, etsi resolvens & magis at-
tenuans non sit additum. Quandoquidem

etiam humorum laxitatem & fluxilitatem tollit opium, & increffat, ut loquimur; ubi symptomata quibus opiata opponuntur à ficcitate foveantur augenturque, cum humectantibus aquis, cum emulſionibus dari debent, & liquida hæc largius ſumi, ne exſiccatio nimia malum aggravet. Pilulæ purgantes vehiculum largius etiam omnino deſiderant, & circumſpecte iis utendum, ſi ſiccior ventriculus, & inteſtina tenuia viſcida & vitrea pituita abundant, tunc naufea potius, tormina & calor præternaturalis excitatur, imò bilem acrem interdum exaſperant, præſertim ſi nimis induruerunt pilulæ, & debita vehiculi quantitate non corriguntur. Vidi altero, imò tertio die pilulas integras exclusas multa pituita obductas. In colicis & dolorificis aliis primarum viarum morbis purgantia, imprimis fortiora & draſtica, cum Diaſcordio Mithridatio, Theriaca exhibentur, ut dolores ſic non recrudeſcant, & ſequatur

quatur sine incommodo evacuatio per al-
vum. Deprehendi autem in gravi colica
cum ictero, Ileon minitante, Rhabarbarum
Jalappæ stimulo addito, cum oleo amygda-
larum dulcium datum insigne auxilium at-
tulisse, & ægro purgationem aliàs in illo
casu formidanti egregie profuisse.

§. XX.

Habenda autem hic semper ventriculi
ratio. Quid enim juvat optima & salu-
berrima medicamenta ipsi repugnanti, imò
vomitibus obortis rejicienti immittere?
Placandus ille est quovis modo, & si collu-
vies pituitosarum & biliosarum impurita-
tum, quæ sæpe fastidii medicamentorum
antecedens causa est, adsit, ipsis etiam vehi-
culis, pro re nata, diversis, eadem respicien-
da. Atq; si morbi acumen ac vehementia non
permittat, ut removeri saburra & tempestivè
exclu-

excludi sub ipsa curatione possit, gratissima & stomacho abblandientia eligantur, quæ enim ipsi non omnino renuenti sed libenter admittenti, ingeruntur, ad intestina facilius dimittuntur, ut distributio, quæ plane necessaria ad medicamentorum plerorumq; effectum est, bene succedat. Et hinc est, vehicula calida, jusculla, ptisanas, imò aquam quoque calidam Thée vel Coffé vel vernaculis etiam plantis imprægnatam, esse hunc in finem valdè accommodata. Ab actuali enim illo calido ventriculus roboratur ac reficitur, facileque admittit, quæ vehiculis porriguntur, iidemque liquores calide assumpti efficiunt, ut medicamenti vis promptius se diffundat ad intestina & per chyli vias promoveatur, faciliusque vasis a calore rarefactis se insinuet, quaquaaversum penetret, ac expectatum effectum ita fortiatur; Diluit aqua calida, quod in & circa ventriculum

lum hæret & alioquin medicamento operatio-
nem impedit & retardat, diluendo temperat,
removet acidum quod plurimorum remedio-
rum efficaciam aliàs frangit, promptissimeque se
omnibus poris insinuando auctaque diuresi &
diaphoresi, ut obstructa promptius deobstruan-
tur efficit. Observatum est à Cl. Dn. Præside
optima antifebrilia cum aquis antifebrilibus fri-
gidis intertianis febribus usurpata, paroxys-
mos accelerasse, mox inhorrescente ægro
cum actu frigida alioquin saluberrimæ aquæ
in ventriculum devenissent, remisisse vero mox
febrem, mutato vehiculo, & calido jusculo
potuque Caffé substituto. Agnovere hanc
aquæ calidæ prærogativam veteres, & no-
tabilis ac apprimè hanc declarans est locus
apud Aëtium, in quem Professor Argentora-
tensis M. Mappus docte commentatus est:

Aqua,

*Aqua, inquit, calida convenit ubi oportet ex-
cretionem præparare, & ubi quid attenuare,
& ubi diffundere, & liquefacere aut mollire,
aut eluere, concoquere, aut discutere volu-
mus. Illas ergo dotes aquam calidam pos-
sidere, quæ ad implendas conditiones grati,
idonei & ad medicamentorum plurimorum o-
perationes adjuvandas aptissimi vehiculi
requiruntur, manifestum est.*

F I N I S.

